



Claude WISELER  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 03/06/2026

Här President,

**Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un d'Ministère fir Mobilitéit an Ëffentlech Aarbechten & Ëmwelt, Klima an Biodiversitéit weiderzeleeden.**

Den 13te Mee gouf ënnert der Referenznummer 2601227 eng ëffentlech Ausschreibung fir Kompensatiounsmoosname fir d'Nordstrooss publizéiert. Dobäi geet et ënner anerem ëm d'Renaturatioun vun der Mamer am Beräich „Weidendall“ an de Bau vun enger Passerell aus Holz a Metall. Laut der Ausschreibung soll dobäi tropescht Bongossi-Holz benotzt ginn an dëst am Kader vun engem Renaturatiounsprojet.

An deem Zesammenhang wëilt ech de Ministeren dës Fro stellen:

1. Firwat gouf am Kader vum Marché public n°2601227 decidéiert, fir tropescht Bongossi-Holz anzesetzen?
2. Wäert dat Holz, wat hei genotzt gëtt, op mannst nohalteg zertifizéiert sinn?
3. Goufe fir dës Ausschreibung Alternativen aus Lëtzebuerg, der Groussregioun oder Europa gepréift, a falls jo, firwat goufen dës net zeréckbehalen?

Mat déiwem Respekt,

GOERGEN Marc  
Deputéierten



